

MUSULHA CEECIYAN

ALAAFIYA NDA WAAFAKAY SE

MALI RA KANJ FATTA ALŽER DIICERAA RA

Sintinoo

Iri, Mali Gofornomaŋoo nda Mugumaŋey kaŋ na Alže fondo kaddasoo siŋe žuyye 2014 jirbi 24 hane, kaŋ ti Yanjekasiney;

Kaŋ marga Alže ra, Waafakay ceeciyanoo fondaa ra, kaŋ fondo kaddasoo ga borey noo a ra fahamay, hala ir ma duu waafakay timmante duumante kaŋ ga kate dabari henno kaŋ si gana ma duwandi yenjaa ra, kaŋ goo Mali Waynahunay ra, kaŋ se borey jerey ga nee Azawad;

Ga albarka dam Alžeeri se, musulha ceeciyanoo junehuntaraa fondaa ra, nda koyne Afiriki Waynakaŋay kondaa kaŋ ga huuga nda duuremee (CEDEAO), nda Afiriki Konday Beeroo nda aduŋŋaa kul konday beeroo, nda Erop kondaa (UE) nda Alsilaamataray Cettekasinay Kondaa (OCI), nda Burkina Faso, nda Moritani, nda Niižer, nda Naajiriya nda Cad kaŋ goo musulha ceeciyanoo kuraa ra;

Laasaabay beeri banda ga, kaŋ ir n'a tee Mali misoo kul ga, nda cerecereyan ra, alfitinawey dumey ga, kaŋ ga koy i ga kaa Mali Waynahunay areežonŋey ra;

Ga kay misoo sibil cimey ma ben sōy, nda ka waafakay timmante yulwandi taarikoo mayyan taagaa bande, gandaa kul cere diiyanoo ga, borey niine-niineyanoo kaŋ boŋ Mali cina beerandiroo ra;

Ga tee ir se alhakiika kaŋ gandaa ma ti affoo ra nafaw goo, tiki taagayan boŋ, kaŋ ga yadda kaŋ gandaa si kuma, nga hirrey si gana, a ga doo tee nga dumey nda nga annaamey niine-niineyanoo se nda borey nda duuraa niine-niineyanoo se;

Ga bay kaŋ, a nka waazibi Mali Woynahunay duureminoo nda borey, nda annaamey koyjineyanoo ma cahāa ka tee dabari ra, kaŋ nga nda gandaa ga koy nda cere;

Ga bay kaŋ Mali Woynahunay areežonŋey ga hima ka duu alhukum kaŋ nga nda ngi gandaa, nda ngi borey, nda ngi taarikoo, nda ngi annaamoo ga koy cere bande, zama i hanse ka dii jarraba ngi hunaroo ra;

Ga bay kaŋ a nka waazibi hallasi ma willi ka kaa nda cahāyan, alaafiya nda dabay-dabayyan ma duu yulwa duumante, ir gandaa ra, nda alhukum dirandiyan henno ma tabati,

juwalyanoo ma henen, adama-izetaray alhakey nda žistis ma kay, toojne bila zukandi ma tangamandi;

Ga bay kaŋ muzulteyan nda binekogayteeyan gandaa gundoo ra tangamyanoo nka waazibi borey ga;

Ga ir yaddayanoo taagandi Afiriki nda aduŋnaa gandawey ašariya goyjinay alhakiikantey ga;

Waafakay jinawey ga bara ir lakkaley ra, šenday kaŋ duwandi ngi dirandoo nda ngi korošiyanoo fondaa ra;

Ir yadda woo kaŋ ga kaa ga:

BOŊ I: FONDAWEY, ALLAAHIDU ZAAYANEY NDA AŠILEY YENJAA HANSEYAN DUUMANTAA SE

Dobu 1: Fondawey nda allaahidu zaayaney

Ašariya-ize1: Yenjekasiney na ngi yaddayanoo taagandi ngi allaahidu zaayanoo ra, fondo kaddasoo dabaroo ra, fondawey kaŋ ga kaa ga:

- a) Mali gandaa ma tee affoo, a masi kuma, nga hirrey masi gana, gandaa ma goro nga boŋ borcinitaraa ra, nd'a ma cindi ng'arepibilik laamataraa ra, kaŋ ra waani-waani kul sii addiiney nda cere game;
- b) Annaamu nda šennibayray niine-niine yulwandiyanoo nda ngi tabatandiyanoo, nda Mali borey dumi foo kul, waani-waani woyey nda soogey kanbedamyanoo gandaa cinayanoo ra;
- c) Gandaa borey muraadey juwalyan timmantaa ma willi kanbey ra, alhukum dirandi fondo ra kaŋ ga ngi naatawey nda ngi muraadu cerecerantey kul dogey jisi;
- d) Mali areežonjey kul ma duu koyjineyan yulwante kaŋ ga sawa, a ga areežonj foo kul duuraa baadam;
- e) Ka binefutay naŋ politiki šenni fondo ra, ka šenni dam batu, ka cere yaamar k'alfitinawey wii;
- f) Adama-izetaray alhakey nda borey borcinitaraa, nda ni boŋ mayyanoo, ni gaahamoo nda ni addiinoos ra;
- g) Meenjaari taayan nda toojne bila zukkandi tangamyanoo;

h) Muzulteeyan, taba laalaa sarandiyanoo nda binekogaytaray teeyan tana fooyan kan ga tee gandaa nda cere ra, tangamyano.

Ašariya-ize 2: Yenjekasiney na allaahidu zaa ngi ma hō Waafakaa woo dabarey kul ka goy nda anniya timmante, i ma bay mo kan hayaa kul buu ngi boŋey ga.

Ašariya-ize 3: Mali Hinoo ašariya fondawey ga dabarey kan ga hima sanbu, ašariyawey nda ngi fondawey, wala mo ašariyananoo kan ga tilasu Waafakaa woo fondawey dirandiyanoo ra, Yenjekasiney dii cereyanoo ra, nda moofur komitaa jesedamyano kan hō Wafakaa n'a har tengoo ra.

Ašariya-ize 4: Dabarey kan zaandi gandaa kul maawoo ga, Waafakaa woo ra, ga jin ka goyandi, Mali Waynahunay Areežonŋey ra, bila nd'albasi dabari cerecerantey kan kayandi gandaa ceraa din se. Dabarey wey ga goyandi gandaa areežonŋey kul ra.

Dobu 2 : Ašiley yenjaa hanseyan duumantaa se

Ašariya-ize 5 : Waafakaa woo ga ceeci alaafiyaa cumante, duumante ma tabati Mali ra, kan ga kate baani ma duumi Afiriki Waynakanay-Kanboo ra, nda koyne mo aduŋnaa kul laafiyandiroo se. A ga yenjaa hanseyano waazibandi diiceryan ra, dunbu-izey wey kan ga kaa bande :

Azawad maanoo tenje kan ti

Maanoo kan ti AZAWAD mana ti kala nongu kan ra borey nda ngi alaada wey goo, a ga bara ngi lakkaley ra, a ga ti tammaasahaya kan ra Mali Waynahunay-boro dumi-dumey kul ga bara, kan ti gandaa kul borey jerey. Borey ma marga ka waafaku maanoo woo ga, kan ga ti borotaray se tammaasa, ga hima ka tee waafakaa se tiki gandaa ma ti affoo, gandaa margantaa fondaa ra.

Dabariyan kan ga kate alaafiya nda Waafakay gandaa ra, ma tabati

Borey nda cere game nda politiki here Yenjewey kan ga koy, kan hanga cere bande Mali Waynahunaa ra ga baa gni hanseyano ma tee politiki fondo bande. Woo fondaa ra, waafakay margaw beeri ga hima ka tee hinoo talfiyanoo waate, moofur komitaa jesedamyano ra, nda koyne yenjekasiney kul ma sawa borey hinnaa ra kan ga margaa tee,

hal'i ma hin ka Šenni batu tee kaŋ ma hin ka yenjaa sibiley kul fattandi. Šenni batoo woo ga ti šeleŋ Azawad šugullawey nda ngi tanawey. A ga hima ka duu fondoyaŋ kaŋ ga Mali kaa šandaa woo ra, a ma Mali borey kanbedamyaney alkadaroo cebe gandraa maa'oo ga, a ma waafakay alhakiikante yulwandi gandraa ra. Alaafiya, gandraa ma tee affoo nda Waafakaa fondaara, borey ma tee anniya foo k'ašarya'aa gorandi kaŋ ga Mali yenjaa woo honguyan cewoo, nga taariki cewoo nda nga lasal cewoo almušakkawey zaa, kaŋ ga gandraa izey waafakaa dobu, gandraa si kuma, nga hirrey si gana.

Dabariyaŋ kaŋ ga kate alhukum ma dira boryo

Dabarey kaŋ harandi ka bisa beene banda ga, yenjaa hanseyan timmantaa ga baa alhukum dirandiyaŋ kaŋ ga doo tee gandawey alhaaley se, i ga dira fondowey kaŋ ga kaa bande :

- Ašariya cinari kayandiyaŋ kaŋ ga dira nda kolektiwitewey fondaara, kaŋ ngi juwalkey mma suubandi borey kul wote ra, i goo nda hini timmante;
- Areežonjey kaŋ ga sennoo ga tee borey ma ngi muraadey juwal, boŋ se juwalyan fondaara;
- Waynahunay areežonjey borey ma boobo hinoo ašariya fondawey ra ;
- Borey alhakey baturoo gaabandiyanoo kaŋ ga kate žistis ma man borey kaŋ ga ciiti ga zuru
- Hallasi nda batuyan fondo kayandiyaŋ kaŋ ga kay borey ma tee affoo boŋ, i masi waani-waani, i kul ma bara nda doo;
- Borey, waani'waani waynahunay waney ma hanse ka bara ngi gandraa hallasi juwalyanoo ra;
- Soojey nda ngi tanawey kaŋ ga huuga nda gandraa hallasiyanoo kaŋ taaga ma say Mali laboo bande nda kayna-kayna woynahunaa ra ;
- Nungur ma kay kaŋ ga huuga nda woynahunay areežonjey koyjineyanoo, a ma bara nda areežonjey game konsay kaŋ l g'a hãa nda dabari cere-cerante koyjineyan fondora kaŋ ga koy nda areežonjey borey, annaamoo, dawoo alwalhaaloo. Dabaroo nooroo si hun kala nooroo ra kaŋ ga huru koyjineyan duumantaa ra, kaŋ nga almaaney si aatoo hun kala hinoo noorey nda taray gaakasinaa ra;

- Aduɗɗa kondawey allaahidu zaayanoo nda waafakaa woo nda dabarey kanj zaandi nga fondaa ra ma dira ka boori, nda fabawey kanj, tee polotiki, cettekasinay noorudamyan, teknik nda jinay fondaa ra;
- Hinoo talfiyan waatoo ga sintin za Waafakaa ma sije.

BOŊ II: POLITIKI NDA AŠARIYA FONDO FONDOWEY

Dobu 3: Ašariya fondaa nda gandaa hanseyan taagaa

Ašariya-ize 6: Yenjekasiney kul yadda ngi m'ašariya fondo cin, kanj ga kate Woynahunay borey ma ngi boŋ muraadey juwal ganda-izetary kanbedamyan lakkal timmante ra, boŋ juwalyan dabaroo ra, nda ngi borey ma hanse ka bara ašaryafondawey ra. Woo fondaa ra, dabarey wey kanj ga kaa ka naatandi:

Gandaa fersi foo kul tenje

- Areežonj goo nda asanbile, kanj borey kul wote m'a gorandi, hinoo na waanay beeriyanj nda muraaduyan talfi a ga, a goo nda fondo ka ciiti dunbu, k'alhukum zurandi nda ka nooru damyan nda fondo kanj ga hima ;
- Mali borey waani-waani woynahunay areežonjey borey ga duu fondaa woo ra, i ma ngi boŋ muraadey juwal, boŋ juwalyan dabaroo ra ;
- Asanbile Persidanjoo ga suubandi borey kul wote ra. Nga ti mo areežonjoo Juwalyan nda nga Alhukum dirandiyan jinehunoo;
- Sarkiley nda kominey ga duu goy fondoyanj kanj ga goy yaamar (sarkil konsay nda komin konsay) kanj ga suubandi borey wote ra, biroyanj goo i jine kanj ga bara nda goy teeyan fondo, ngi jinehuney ga ti sarkil konsay Persidanj nda komin Mer kanj suubandi;
- Dabarey fondaa ra, kanj ga areežonj foo kul žistis misoo nda nga alhukum dirandoo guna, a ga tee areežonj foo kul se fondo, a ma maa kanj a ga baa zaa.

Gandaa kul tenje

- Asanbile hugu hinkantoo gorandiyoo cahāyan ra, maawoo ma ti Seena, Ganda Konsay wala maa tana foo kul kanj ga nga maaāoo nda nga goyoo noo daržaa, k'a ti goydoo kanj goyey nda kanandoo ga Waafakaa woo taasihayey yulwayanoo tanj jine;

- Ka gandaa borey barayanoo asanbule ra tonton nda wotedogey hinnaa boobandiyanoo nda/wala dabari tana kul kan ga hima;
- Waati dunbo ra, ka dabariyan zaa kolektiwiitewey Konsay Beeroo ma feera, cere-cere ra, alaada bonkoynitarawey nda woyborey nda soogey se;
- Ka Mali Waynahunay borey barayanoo gaabandi ašariya fondawey nda hinoo goydoo beerey ra, goy goykey nda Arepibilikoo alhukum fondawey ra.

Dobu 4: Hiney nda waanawey fersayanoo

Ašariya-ize 7: Yenjekasiney ga yadda goyey nda juwaley ma fersandi hinoo nda kolektiwiitewey game, hal'i ma too ngi goywaanaa alkadaroo ga, nda ganda-izey nda koyrawey borey yantasey nda ngi muraadey dogey ma kay.

Ašariya-ize 8: Areežonēy ga bara nda waanay, fondo yammanta bande kan wote nda ašariya n'a fahamandi ka bisa, misey kan ga kaa ra:

- a) Duuremee, borotaray nda annamu koyjineyan palan nda nga porogaramoo;
- b) Gandaa hanseyanoo;
- c) Jamaa gojjinay nda borotaray lasalgoydey teeyan nda nga juwalyanoo (ganda cawandoo, goymee denden caw, gaahambaani, windila, annamu, fondowey, nda alhabar tooyaney kan areežon g'a may nda enerži, harinooyan nda ganda henenandiyan);
- d) Alfaritaray, adabba biiriyān, hamiisa hooyan, saaji juwalyan, caajayan, maamala, izin, assanagoy, tuuristaray, areežonēy nda cere game caajayan;
- e) Bidže nda areežon alhukum kontu;
- f) Alkaaši diiyan nda nga fondo kayandiyanoo nda duure duuyan fondawey bande kan Hinoo n'i kayandi;
- g) Jinay zaayan, k'a bana nda kayna-kayna nga šartoo ga kayandiyanoo;
- h) Yaddayan nda wanjiyan sargari, faaba nda tubuyan taayan ga;
- i) Faaba teeyan;
- j) Ka bara goyey ra;
- k) Desantaralizašon cettēkasīnay nda ntawaytaray gandawey nda cere game;
- l) Kolektiwiite poloosi nda adama-izetaray batuyan.

Ašariya-ize 9: Hayey kanj ga Kolektiwiitewey ga goyandi za i ma bangay, i ma too Hinoo tenje goykey do. Waanawey zemnayanoo ga tee kolektiwiite dumey game boro foo kul nda ni hinagoo fondaa bande.

Dobu 5: Hinoo barayanoo nda alhukum dirandiyan korošiyanoo

Ašariya-ize 10: Hinoo ga nga Wakiloo kayandi kolektiwiitewey do, hal'i ma borey nafaw yammantaa saajaw. Woo fondaa ra, a ga Gofornomaŋ politikoo goy porože beerey here, a ga duuremee, borotaray, nda dawoo hanseyanoo koyjineyan politikoo faalandi.

Ašariya-ize 11: Hinoo ga nga Wakiloo ka kolektiwiitewey alhukum zurandi goyey koroši, goy banda ga, kanj ga goyey cumandi wal'a m'i yankar. Ašariyaa no ma šartey kanj bande korošiyaney woo goyey ga dira fahamandi.

Ašariya-ize 12: Bila nda Hinoo mayraa ma gaza nga dawlaa lasalantey ra , Yenjekasiney yadda kanj cere gunayan mma waazibi Hinoo nda areežonjey game kanjey wey ga:

- Koyjineyan porožewey kanj Hinoo nda nga kondawey wala boŋ se kondawey na ng'i teeyanoo dabari, nungurey din se;
- Gandaa duuraa goyanoo waani-waani dawoo cire waney;
- Fondo tana foo kul kanj ga huru Waafakaa woo dirandiyanoo fondaa ra.

Dobu 6: Nooru damyaney nda dabarey

Ašariya-ize 13: Saalawey, jinawey kanj zaandi banahayoo nda gandaa alkaaši alkadaroo damyanoo ma tee sanda takaa kanj nd'a harandi Waafakaa woo ašariya-ize 8 ra, areežonj foo kul goo nda fondo a ma alkaaši dam nga do kanj ga koy nda nga duuremee alhaaloo nda nga koyjine taasihayey ašariyaåoo fondaa ra.

Ašariya-ize 14: Hinoo ga allaahidu zaa nga ma fondo kayandi kanj ga Hinoo bidže duurawey 30% talfi kolekyiwiitewey ga, ne nda 2018 jiire fersiyanj kanj si cere ŋaa dabaroo, fondo bande, kanj ga lakkal cere-cerante dam Woynahunay areežonjey se, šartijan bande kanj ga ti kay.

Ašariya-ize 15: Hinoo g'alkadar kayandi duurawey ra kanj hun goyoo ra, kanj ag'a willi kolektiwiitewey ga kanj hima ka duu a ga, nafawey kanj ga fatta ŋgi gandawey ra, ŋgi

gandawey arzakaa ra waani-waani dawoo cire waney, šartijan bande kan ga borey kul yadda.

Ašariya-ize 16: Hinoo ga allaahidu zaa:

- Ka sawisey kan deekonsntire ngi goyey goo kolektiwiitewey ra talf'i ga ;
- Ka Hinoo goyyanoo kolektiwiitewey ra boonandi ka tonton, waani-waani Mali Woynahunay areežonney ra;
- Ka boro zaayan hinoo goyyanoo kolektiwiitewey ra tan jine, nga jamaa borey iboobaa ma noondi Woynahunay areežonney izey se.

BOŊ III: HAWGAY NDA HALLASIYAN FONDOWEY

Dobu 7: Dirandi fondowey

Ašariya-ize 17: gandaa nda nga hallasiyanoo fondowey ga hanga dabarey wey bande kan ga kaa :

- Mali borey kul ma huru, i ma bara cumoo soojotaray nda borey hallasiyanoo ra ;
- Mali soojotaray nda borey kan ga huuga nda hallaasiyanoo kan goo Hinoo kanandoo nda ngi dekeyanoo cire ma cere dii, I ma tee anniya foo;
- Soojey nda ngi tanawey kan ga huuga nda laafiya kan cinandi taaga ma koy nda jine ngi willi ka kaayanoo laboo ga ra.

Dobu 8: Soojey gorandiyanoo, goyhurayan nda wangu jinawey taayanoo, wangu nanɗan nda ka yee borey ra (DDR)

Ašariya-ize 18: Alfitinakey gorandiyanoo moobandoo ga ceeci ka alfitinakey kabu kan ga hin ka huru soojotaray wala DDR porogaramoo ra. Goyoo woo ga tee goykanjeyan nda fondayan bande kan miišonoo kan ga huuga nda kanje booboyan kan Aduɗɗaa Kondaa kayandi Mali tabatiyanoo se (MINUSMA) ga faabaa.

Ašariya-ize 19: Yenjekasiney ga yadda ganda tenje komišon ma kay DDR se, kan ra Gofornoman nda mugumaney kan sijne borey goo. Komišonoo woo nda Waafakaa woo moofur kondaa ga goy cettেকasinay mano ra.

Ašariya-ize 20: Goy huruyanoo nda DDR ga tee waati din da kaŋ alfitinakey margayanoo doo foo ga tee, a ga ti huruyanoo Hinoo goyey ra, a ga ti soojotay nda gandaa hallasikey ra, a ga ti mo goy ceeciyar siwil taray ra. DDR ga koy alfitinakaw zeeney kaŋ margandi doo ra, i mana duu ka huru goy.

Dobu 9: Soojey nda ngi tanawey kaŋ ga huuga nda laafiya willi ka kaayanoo

Ašariya-ize 21: Soojey nda ngi tanawey kaŋ ga huuga nda gandaa hallasiyanoo kaŋ cinandi taaga ga willi ka kaa Mali waynahunay nda alhaali kaŋ ga tonton waati kul, za Waafakaa ma siŋe, Waynahunay areežonjey kul ra. Willi ka kaayanoo woo ga tee Dabaroo kaŋ nda Kordinašon ga Goy (MOC) bande, nda MINUSMA faabaa tenje.

Ašariya-ize 22: soojey kaŋ willi ka kaa, ga hima ka bara nda ngi ra boro boobo kaŋ ti ga Waynahunay areežonjey ize, kaŋ ma tee boroyan kaŋ ga juwal, alhaali ra kaŋ ma naanay gaabandi borey game, a ma areežonjey alaafiyayanoo tontonyanoo faalandi.

Dobu 10: Soojotara taagaay nda gandaa kanadi taagaa

Ašariya-ize 23: Yenjekasiney yadda kaŋ Alaafiya Kanboo Taagandiroo (RSS) ga waazibi, alhaali ra, kaŋ ma kate goyoo ga tee lakkaley bande kaŋ hun goyey kaŋ tee ka bisa ra, goyoo ma hanga Afiriki Kondaa nda Adunja Konday Beeroo kaddasey bande

Ašariya-ize 24: Gofornoman ga dabarey kul kayandi gandawey nda cere game cettakasinaa faabaa ra kaŋ ga kate batuyan, hallaasiyan, ašariya fondo ma goro,kaŋ ga hin ka kay gandaa hallasiyanoo muraadey se, k'a ga Afiriki Woynakanjey cerea alaafiyayanoo yulwandi.

Ašariya-ize 25 : Yenjekasiney yadda ngi ma ganda konsay gorandi RSS se, kaŋ ra dumi foo kul ga bara, a ga koyrawey borey hinagey kul marga, hala a ma laasaabay beeri tee gandaa naata taagaa batuyanoo nda nga alaafiyayanoo ga, a ma doo tee koyra, gandaa nda gandawey nda cere game alhaaley se.

Ašariya-ize 26: Gandaa konsayoo RSS se, ga yaamaryan tee taagandiyan fondo ra, borey zaayanoo ra kaŋ ga huru juwaldoo beerey nda goy goydogey ra hala gandaa cerediiyanoo ma gaabi, nda goydogey din ma duu goykaw kaŋ ga wan, i ma hin ka ngi goyoo tee ka boori.

Ašariya-ize 27: Soojetaray nda hallasiyan taagandiyanoo fondaa ra, poloosiyan ga tee kan ga huru koyrawey juwaloo cire, ngi poloosi goyoo fondaa ra.

Ašariya-ize 28: komitawey kan i g'i hāa Koyra hal (CCLS) kan ra Hinoo borey, areežonj nda koyra alhukum borey, koyrawey borey nda alaada boŋkoyney ga bara, ma goro, i ma huru koyraa Juwalkaa juwaloo cire.

Dobu 11: Muzulteeyan tangamyanoo

Ašariya-ize 29: Yenjakasiney ga ngi allaahidoo taagandi ka muzulteeyan tangam nga kanbu dumi-dumey ra, kan ti bone teeyanoo nda taba laalo sarandiyanoo, tangamyanoo ma tee areežonj dabarey nda nga fondawey kan ga bara bande.

Ašariya-ize 30: Yenjekasiney yadda ngi ma fondo cerecerante gorandi kan ga muzulteeyan nda binekogay teeyan tangam gandaa bande.

BOŊ IV: BOROTARAY, DUUREMEE NDA ANNAAMU KOYJINEYAN

Dobu 12: Koyjineyan dabari cerecerantaa kan ga hima

Ašariya-ize 31: Yenjekasiney yadda kan a ga waazibi Hinoo ga, a ma nga naataa taagandi koyra koyjineyan fondaa ra kolektiwitewey ma duu fondo ka koyjineyan dabaroo har, cere faabayan kan ra borey kul ga bara, a goo borey kanandoo, ngi annaamoo nda ngi dawoo alhaaloo bande, a ga tee henenyan ra, kontey ma tee ka boori nongey kul here.

Ašariya-ize 32: Areežonj hinka wala ibooboyan, fondaa kan ašariya n'a kayandi bande ga hin ka dabari fondo kan ga hima gorandi hala ngi borotaray nda ngi duuremee koyjineyanoo ma yulwa, ngi waanawey alkadaroo bande, taka kan nd'a harandi Waafakaa woo ra.

Ašariya-ize 33: Jinekoyyan ganda-zuu ga tee Mali Woynahunay Areežonjey se, kan goo nda Dii Cere Konsay, kan ra Areežonjey Asanbilewey kan no, borey ga bara, ngi goyoo ti ka durkutu ka goyey dobu cere, gaakasinay fondaa ra hala koyraa borey duuraa nda šugulla tana fooyan ma cahā.

Ašariya-ize 34: Ganda-zuwoo duu koyjineyan dabari cerecerante kan Yenjekasiney g'a tee cere bande, cettekasinay gandawey nda cere game g'a faaba, Nooroo kan ga huru a ra, ga hun, cerecereyan ra, koyjineyan duumante nooroo ra .

Ašariya-ize 35: Dabaroo muraadoo ti nga ma Woynahunay Areežonjey jer alkadar follokaa ga kaŋ ga ganda cindoo goo koyjineyan tammaasa ra, woo mo waati ra, kaŋ si bisa jiiri 10 ka koy 15. Nga goyyanoo moofuryanoo, Ganda-zuu Koyjineyan Dii Cere Konsayoo m'a tee Ašariya fondawey nda alhukum waanawey faabaa ra.

Ašariya-ize 36: Yenjekasiney ga yadda waafakaa woo moofur kondaa (CSA) juwaloo cire “zimamyar kaŋ borey ga marga k'a tee Mali Woynahunay ra (MIEC/Mali Woynahunay)” ma goro hal'a ma naatawey bangandi talkataray tangamyar fondo cahantaa nda ganda-zuu koyjineyanoo ra. Diyawtaraa ga kay, nd'a gay, a ma tee handu hinzaa ra kaŋ ga dobu Waafakaa sijineyanoo ga. Adunnaa banku beeroo, Afiriki Koyjineyan Bankoo (BAD), nda alsilaamatary Koyjineyan Bankoo (BID) kanbey ra diyawtaraa juwalyanoo ga huru diicere banda ga kaŋ i g'a tee nda Gofornomaŋ, gandawey nda cere game ašariya fondawey nda ganda-zuu borey bande.

Ašariya-ize 37: Margaw beeri ga tee kaŋ ra nooru ga ceecandi handu hinkaa ra kaŋ ga dobu koyjineyan dabari cere-cerantaa teeyanoo ga. Margaw beeroo ga nooru kayandi kaŋ ga huru Koyjineyan Duumantaa ra, a ga ti noorudamyar goyjinay Koyjineyan Dabari cerecerantaa se.

Dobu 13: Margayan hala woynahunay areežonjey ma koyjine

Ašariya-ize 38: Waynahunay Areežonjey Ganda-zuu Koyjineyan ga duu Hinoo ga faaba, cerecereyan ra, dabaroo nda takaa bande, kaŋ nd'a goo Waafakaa woo ra.

Woo fondaa ra, Yenjekasiney yadda ngi ma waati dunbo nda waati kuku dabarey kul kaŋ goo tontoney ra goyandi, kaŋ ga adama-izetaray, duuremee nda annaamu koyjineyan kayandi.

Za Waafakaa woo moofur komitaa margaw jinawey ga, Gofornomaŋ ga kaddasu cebe kaŋ ga nga allaahidu zaayanoo bangandi fondaa woo ra, hinagey kaŋ a ga naata k'i marga nda kalandiriyaa kaŋ bande allaahidey ga goyandi nda taka kaŋ nda waafakaa tee i ga, kaŋ ga koy fanney kaŋ ga kaa ga:

- borotaray goydoo tilasantey;
- goykey yulwayanoo;

- hunay duumante tabatandiyan;
- alfaritary koyjineyan (faari goyyan, adabba biiriyar, nda adabba saajawyan);
- fondo fannu boobante hala Waynahunay Areežonɗey ma hun kanbu banda ra, dawoo cire nafaw nda waynaw kuuran;
- goy duuyan waani-waani woyborey, soogey nda wangu-ize zeeney se;
- koyra tee-boŋ-se goydoo feereyan;
- borey kaŋ willi ka kaa, gana-ganakey nda boro yalaafanteyar damyan taagaa daržawilliyar;
- assanabarar, gaayadoo, maamala nda toonandiyan nda;
- cawandiyan nda annaamu.

Ašariya-ize 39: Yenjekasiney yadda ka dabarey kaŋ ga kaa zaa cawandiyan nda annaamu fondo ra:

- cawandiyan porogamey ma tee areežonɗey borey nda ngi annaamey alhakiikawey bande;
- gandaa šenney nda nga hantumey yulwandiyanoo;
- ganda nda gam cawandiyan fondaa gaabandiyanoo, lakkaldamyan cerecerante ra borey kul cawandoo se;
- beene cawandiyan cawdoo feerayan;
- annaamudoo nda donkul hayey jisidoo teeyan areežonɗey ra nda;
- areežonɗey wey annaamey yulwandiyanoo koyra tenje, gandaa tenje nda gandawey nda cere game tenje.

Ašariya-ize 40: Areežonɗi foo kul ra, areežonɗi koyjineyan Ažansi ma goro hala areežonɗi goyteeyan bayraa hinagoo ma gaabi nda moofuryan alhakiikante ma goro allaahidey kaŋ Gofornomaŋ n'i zaa areežonɗey misey ra se.

Ažansoo goo areežonɗi alhukum zurandoo ra, a goo Areežonɗoo Asanbile Persidaŋoo juwaloo cire, kaŋ jine a ga ti wakil.

Ašariya-ize 41: Šartiyar-porogamayar Areežonɗi/Hinoo ga kay jiiri boobo nooru damyan porogamey gorandiyanoo ra nda Hinoo waazibey ma hanga ašariyaa bande duuremee nda adama-izetarar koyjineyanoo fondaa ra.

Ašariya-ize 42: Hinoo na allahiduu zaa nga ma kolektiwiitewey kanbedamyanoo faalandi duurewey nda faabawey kan ga hun gandaa nafawey ra margayanoo nda ngi goyyanoo ra, nda koyne nafawey kan ga duwandi desantalarizašon cettekasināa nda duurawey kan Hinoo Waafaku koyrawey ma duu ey ga.

Ašariya-ize 43: Hinoo n'allaahidu zaa ka cettekasinay porožewey kan goo gandawey nda cere game tan jine kan hun koyrawey borey do. Dabariyan ga zaandi kan ga kolektiwiitewey dam nda cumoo garaa ceeciyanoo, nga duuyanoo nga goyyanoo nda garaa waafakawey kuryanoo nda mo koyjineyan faabaa kan g'l tiime.

Ašariya-ize 44: Waati ka kaa wati teknik nda nooru cettekasiney ga diicereyan ga tee koyjineyan porogamey, ga moofur komitaa kanboo cire.

Ašariya-ize 45: Goykey kul kan na dabari wala anniya fooyan sanbu Sahel gandaa se, ga hima ka jilamandiyān kan ga hima dam Mali Waynahunay Areežonēy yantasey se nda alkadaroo kan ngi dabay-dabayyan cahantaa ga kat'a alaafiya nda hallasiyan fondo ra, Afiriki Waynakanay-kanboo here.

BOŃ V: WAAFAKANDIYAN, ŽISTIS NDA ADAMA-IZETARAY FONDOWEY

Dobu 14: Waafakandiyān nda žistis

Ašariya 46: Yenjekasiney kul yadda ngi ma waafakay timmante gorandi gandaa ra kan linjoo mana ti kala kanjey wey:

- ka Šart kayandi gandaa ra alaafiya nda gandaa ma tee affoo, a ma cere dii se;
- ka žitisi dabariyan gorandi waatoo kan talfandi ra, sanda komišonjoo kan ga huuga nda cimi, Žistis nda Waafakay dirandoo fondaa ra (CVJR);
- Komišonj kayandiyān kan ga meerjaari taayan nda nooru hasaraw tangam ;
- Komišonj kayandiyān kan ga anket tee gandawey nda cere game, ka fahami noo hasarawey kul kan tee wangoo ra ga, Adama-izetaray dorandiyān, dumi tuusayan ra, ka kan woyey ga, nda toone tanayan kan na gandawey nda cere game alhakey ŋaa, borey nda cere game Alhakey, Adama-izetaray Alhakey gandawey nda cere game ra, Mali dawoo kul ga ;

- ka yadda kan bonewey kan tee wangoo ra, nda bonewey kan too adama-izetaray nda Yenjekasiney si yaafandi, i m'allaahidu zaa ka cettekasinay nda gandawey nda cere nda anket Komišonoo ;
- yaafajanay wangu boneteekey se nda bonewey kan too Adama-izetaray nda adama-izetaray Alhakoo toonaa kan ra woyey, zankawoyey nda zanka buuney torroyanoo ga bara, kan tee wangoo ra;
- žistis Hinoo gaabandiyanoo kan ma kate ašariya ma goro ganda kul ra ;
- allaahidu zaayan kan ga kate žistis alhaaloo ma barmay hal'a ma duu ka man borey kan ga ciiti ga zuru, a ma duu sahā, toone bila zukkandi ma ben, alaada ciiti dabarey ma hin ka huru a ra bila nd'i ma Hinoo waney ganandi ;
- žistis nda nga goyoo faabayanoo ma too nungurey kul nda alhabar nooyan borey alhakey ga ;
- bayray nooyan yulwandiyā žistis goykey kul nda nga goykaw faabakaw kul se kan ra Alkaaley goo ;
- Alkaaley goyoo alkadarandiyanoo žistis goyoo dirandiroo fondaa ra, waani-waani musulfa ceeciyan fondaa ra, ganda-izey game kan ga hima ka doo tee annaamey, alaadawey nda addiina dumey se ;
- alaada bonkoynitarawey alkadarandiyanoo ngi almušakkaa zaayanoo fondaa ra nda ngi dogey kayandiroo hayey nda dabarey hanseyanoo ra.

Dobu 15 : Borotaray fondowey

Ašariya-ize 47: Yenjekasiney ga allaahidu zaa, ngi ma fondo tee hala gana-ganakey nda jera-jerakey willi ka kaayanoo, gandaa williyanoo, goyhuruyanoo nda ngi damyan taagaa ma faala nda ka ngi jesedamyānoo dabaroo kayandi Afiriki nda aduḡḡnaa gandawey goyjinawey bande, kan yaḡ ra OUA 1969 šartoo kan ga jera-jerakey misey dabari Afiriki ra nda 2009 šartoo (Kanpala Šartoo) kan ga saajawyanoo nda faaba kan ga tee gana-ka-zunbukey se Afiriki ra fahamandi

Ašariya-ize 48 : Yenjekasiney ga ceeci borotaray ažanseḡ nda nga porožewey ga, i ma durkutuyaney faaba kan ga borey kul kan ga gana-gana nda wey kan ga jera-jera willi ka kaayanoo, gandaa williyanoo, goy huruyanoo nda ngi huruyan taagaa cahantaa ma tee.

Ašariya-ize 49 : Yenjekasiney ga allaahidu zaa ngi ma adama-izetaray, ka-jar-ka-bara-kanbu foo kul here, faasajaray, borcinitaray fondawey kayandi, k'i yulwandi kan g'adama-izetaray goyoo dam fondaa ra. I ga allaahidu zaa mo ka bangandi kan waati kan adama-izetaray faabaa si huru politiki, duuremee wala soojotaray fondo ra, ka adamy-izetarataray ažansey tooyoo faalandi, nda ka ngi borey hallaasiyayanoo gaaranti.

BOŃ VI : GAARANTI NDA DUMYAN KAŃ GA HUN ADUŃŃAA GANDAWEY DO

Dobu 16 : Yenjekasiney wakiilitaraa

Ašariya-ize 50 : Yenjekasiney ga bay kan gaaranti jinaa kan ga kate waafakaa ma tee, goo ngi alaadiritaraa, ngi anniya timmantaa nda ngi allaahidu zaayanoo ra, hala ngi ma kay woo kan goo Waafakaa ra boŃ nda ngi ma goy hala nga dabarey kul ma goro ngi gandaa Waafakay ceeciyanoo ra, nda Mali baanoo nda nga hallaasiyaa nda nga dabay-dabayyanoo nda Afiriki waynakanay kul timmantaa ra.

Ašariya-ize: 51 : Yenjekasiney ga ceeci politikoo ceraa borey ga nda ganda-izey jamaa ga waani-waani woyborey nda soogey kondawey, alhabar toondi hayey, alaada alhabar teekey nda alaada, addiina alhukum, i ma faaba timmante tee Waafakaa woo taasihayey tooyanoo fondaa ra.

Dobu 17 : Musulha ceeciyanoo goyoo

Ašarya-ize 52 : Musulha ceeciyanoo, Alžeri yaamaroo cire kan ti musulha ceeciyanoo Jinehunoo, ga ti Waafakaa se garanti politiki tenje nda Yenjekasiney yaddayanoo waafakaa dabarey ga. Woo fondaa ra :

- a ga fondo nda dabari henno cebe, Yenjekasiney se waati kul;
- ga Yenjekasiney hoyray waati kan i ga muraad'a kul, misey dirandoo fondaa ra, nda
- ga ti nungur kokorantaa kan ga hayey ga kay, politiki nda ladabu fondo ra waati kan šenday beeri tee, kan ga hin ka Waafakaa woo taasihayey nda nga naatawey hasara.

Ašariya-ize 53: Musulha ceeciyanoo ga kanbe dam konzaa ra, kan ga tee aduŃŃaa gandawey game hala Waafakaa ma too nga fellaa ga nda faabayan tilasante Mali se.

Dobu 18: AduŃŃaa kul borey goyoo

Ašariya-ize 54: Aduɲnaa kul borey ga ti garanti Waafakaa woo misey dirandiyanoo ra, a ga waazibi a ga mo, a ma durkutuyaney dum kaɲ ga tee woo fondaa ra. Senni henenandiyan ra:

- Aduɲnaa Konday Beeroo, UA, CEDAO, UE, OCI nda koyne mo aduɲnaa tenje cettekasinay tana fooyaɲ ga allaahidu zaa ngi ma Waafakaa woo faaba politiki fondaa ra;
- UA alaafiya nda baani Konsayoo nda Aduɲnaa Konday Beeroo Alaafiya konsayoo ga hima ka kate faaba timmante Waafaka woo se, nda i ma moofur nga misey dirandoo ga, waati kaɲ misey mana hin ka dira, i ma borey kul kaɲ gaaru allaahidey kaɲ zaandi nda taasihayey kaɲ ga ceecandi misey dirandiyanoo woo fondaa ra zukkandi;
- Aduɲnaa kul borey ga Waafakaa woo misey dirandiyanoo dum nda nooru, teknik nda jinay kaɲ ga hima fondawey kaɲ Waafakaa n'i kayandi dirandiyanoo se DDR, RSS nda muzulteeyan, boneteyan tangamoo, nda koyne ka kanbedam nda cahāyan Nooroo kaɲ ga hima ka margandi se, nda ka Konferansoo kaɲ ga tee nooru huruyan se waatoo suuba ka nooru marga Waynahunay Areežonɛy ma hin ka koyjine se taka kaɲ nd'a goo Waafakaa ra.

Ašariya-ize 55: Yenjekasiney yadda ngi ma zimamyan nda korošiyen fondo kayandi kaɲ ra Mali borey kul kaɲ kanbey goo misoo woo fondaa ra nda aduɲnaa tenje cettekasinay ga bara.

Ašariya-ize 56 : Goy beeroo nda gaakasinaɲey kaɲ ga naatandi MUNISMA tenjoo ra, Aduɲnaa Konday Beeroo Ažanseɲ nda ngi Porogameɲ nda koyne konday tana kul wala gandawey nda cere game goydoo, waafakaa woo taasihayey ma duu ka tee se, goo ngi hinoo tenjoo ra kaɲ ngi goydogey n'a talfandi l ga.

Dobu 19: Waafakaa moofur komitaa

Ašariya-ize 57: Za Waafakaa siɲe, Yenjekasiney yadda ngi ma komite gorandi kaɲ ga huuga nda Waafakay nda alaafiya se Mali ra (CSA).

Ašariya-ize 58 : CSA borey ti Mali Gofornomaɲoo, mugumaɲey kaɲ na Waafakaa woo siɲe nda Musulfa ceeciyanoo borey (Alžeri kaɲ ti Musulha ceeciyanoo Jinehunoo, Burkina Faso, Moritani, Niižer, Cad, CEDAO, Aduɲnaa Konday beeroo, OCI, UA, UE). Aduɲnaa Konday Beeroo Hallaafi Konsay goykaw duumantey ga ciyandi komitaa goyoo ra. CSA ga hin ka ciya

nd'a gar i ga boona goykaw tanayan nda adunnaa kondayyan kan ga huuga nda nooru goy, i ma goy a ra.

Ašariya-ize 59 : CSA persidanoo ti Alžeri, kan ti Musulha ceeciyanoo Jinehunoo, nga faabakey ti Burkina Faso, Moritani, Niižer nda Cad, i ga tuku persidanoo ga. Komitaa gorodogoo ti Bamako; waati fooyan, a ga hin ka marga nungur tana foo ra, nd'a dii kan a ga tilasu. Cee foo kul handoo ra, a ga margaw tee kan ra boro kul ga hin ka kaa, mise šendo fondo ra, a ga margaw cerecerante tee.

Ašariya-ize 60: CSA ga goyey kan ga kaa tee:

- Ka moofuryan, korošijan, hawgayyan nda dobuyan tee Yenjekasiney ma Waafakaa dabarey dirandi ra, bila nda a ma gaaru goyoo ra kan Hallaasi Konsayoo n'a talfi MINUSMA ga;
- Ka waati kayandi kan ra Waafakaa dabari cerecerante foo kul ga tee, nda ka haya bay nga teeyanoo se;
- Ka fahami noo Waafakaa kanje cere-cerantey ga, waati kan yenjekasiney na cere hoo kanjey ga;
- Ka Yenjekasiney anniyawey w waati kan afakandifahami janay tee;
- Ka Gofornaman noo bine, a ma dabari boryo kul kan ga hima sanbu kan ga kate dabarey kan goo Waafakaa ra ma goyandi, a goo i ra:
 - I. Hino goydogey ma yulwandi, i ma say Woynahunay Areežonjey ra;
 - II. Ašariyanaa dunbu, šarti nda fondo kayandiyan cahanta hala Waafakaa dabarey ma hin ka goyandi;
 - III. Duurewey nda hinagey kan ga hima berandiyanoo kolektiwiitewey ga ngi goyoo fondaa ra, nda ngi goyoo ma tee ka boori;
 - IV. Dabari zaayan kan ga kate gandaa ma goyjinay taagey may demokarasi fondaa ra taka kan nd'a goo Waafakaa ra, waani-waani wotewey maakaddasoo taagandiyanoo, binedamyan ka koy maa hantumyan nda wote koyyan ga, nda fabaa kan ga kate ašariya fondo nda dabari taagayan ma tee.

Ašariya-ize 61: Nga fuula cire, cettekasinay fondaa ra, nda nga hinagey fondaa ra, MINUSMA ga tee CSA sekeretariyawoo se jinehun. marakasinaa goyoo moofuryanoo

fondaa ra, MINUSMA nda UA (MISAHEL), OCI, UE, nda CEDEAO ga CSA faaba Waafakaa gongandiyano.

Ašariya-ize 62: nga fuulaa cire, CSA ga komišonj kaccu taaci gorandi kanj ga huuga nda goyey wey: “politiki nda ašariya fondo”, “batuyan nda hallasiyan”; “duuremee, adama-izetaray nda annaamu koyjineyan”; “waafakandiyen, žistis nda adama-izetaray mise”.

Dobu 20: Lawrakey kanj ga goy nda ngi bonj

Ašariya-ize 63: Yenjekasiney yadda CSA ma Lawrakaw kanj ga goy nda nga bonj zaa, kanj ga Waafakaa woo goyoo dirandiyano zimam bila nda faasayan.

Handu taaci kul banda ga, a ga goy kaddasu tee kanj ga goyey bangandi kanj tee Waafakaa allaahidu zaayaney fondaa ra, a ga šendawey nda ngi wakilitaraa bangandi, a ga yaamar noo dabarey kanj ga hima ka zaandi ra.

Ašariya-ize 64: Lawrakaa kanj ga goy nda nga bonj ga duu faabaa kanj ga hima, kanj ga too a ma nga goyoo tee.

BOŃ VII: Dabari kokorantey

Ašariya-ize 65: Waafakaa woo dabarey nda nga tontoney si hin ka barmay kul nda man’ti Yenjekasiney kanj na Waafakaa sijne kul ka yadda, woo din banda ga, kala moofur Komitaa ma bay.

Ašariya-ize 66: Tontoney nda woo kanj Yenjekasiney n’a har, Alže Waafakaa ceeciyano fondaa ra, kanj sijandi Alže, feewiriye 2015 jirbi 19 ra ga ti Waafakaa ra nungur timmante, ngi nda dabarey kanj goo Waafakaa ra, ga bara nda alkadar follokaa ašariya fondo ra.

Ašariya-ize 67: Waafakaa woo ga goyandi za Yenjekasiney nda komišonjoo kanj ga huuga nda waafakaa n’a sijne.

TONTONI 1: Hinoo talfiyanoo waatoo

Ne nda dabarey kanj kayandi Waafakaa woo ra ma goro, yaddayan tee dabarey wey ga kanj zaandi hinoo talfiyanoo waate. Dabarey din mma hima ka goyandi Hinoo talfiyanoo waatoo ra kanj ga sintin Alaafiya nda Waafakay siãatiroo banda ga, Mali ra, kanj tee Alže Waafakay ceeciyanoo fondaa ra, kanj g'a dii handu woy cindi yaaha ka koy handu waranka cindi taaci ga.

Waatoo din goyoo ga ti, ka miseyanj gorandi Mali-izey nda cere game hala i ma waafaku nda cere, a ma Mali taago cin, kanj ra demokarasi goo, a ma ti affoo, hayey wey sabbu ra kanj ti alaafiya nda demokarasi koyjineyan nda nga borey ma yadda alaada wey niine-niineyanoo ga. A ga kate Mali-izey kanj goo taray ma yee kate ngi laboo ga, i ma goro, i ma huru ngi goyey ra, wey kanj bonaa n'i ka dira mo ma willi ka kaa ngi dogey ra.

Hinoo talfiyanoo taasihayey nda nga gayyanoo waatoo

Waatoo kanj talfandi ga sintin dogoo ra, za Waafakaa woo ma sinandi. Waatoo din ra, ne nda hayey kanj ašariya n'i kayandi nda juwalyanoo kanj harandi Waafakaa woo ra ma huru nda cimoo, mise cereceranteyan zaandi Mali waynahunay areežonjey alhukumoo fondaa ra, i n'i ka goy. Misey din taasihayey mana ti kala:

- Ka gaaranti noo kanj yaddayan tee ašariya hantumey, wote ašariyawey nda ba ašariyananoo ga kanj ga kate ašariyanaa taagaa ma hin ka goro, a ma hin ka goy, politikoo, alaafiya nda hallasiyan fondaa ra, gandaa duuraa, nga borey, ng'alaada wey, nga žistisoo nda ng'izey nda cere ma waafaku ;
- Ka wotewey ašariyananoo taagandi hinoo talfiyanoo waatoo ra, taka kanj ra, koyrawey ra, areežonjey ra, nda gandaa kul ra, wotewey ma tee hala alhukumkanjey kanj harandi Waafakaa woo ra, ma goro;
- Ka fondowey nda mise dooney ka goy alaafiya ma duu ka yee kate, alfitinawey ma ben, soojetaray goyoo ma barmay hal'a ma duu ka saha, a ma wan nga goyoo, a ma hanga laamaa alaada wey;
- Ka gaabandi misey teeyanoo ga kanj ga waafakay tee, ka duu ka muzulteekey nda borey kanj ga wata addiina fondo ra tangam, nda ka ganji yebebeyan, kanbugayan nda alhaku bana janjay dumi kul ma filla ;

- Ka goy nda Waafakaa taka kanj nd'a harandi nga dirandi fondo kaddasoo ra.

Hala Hinoo ma cindi ka goy, sohō da ašariyahugey ga hanga ngi goyoo bande ne nda alhukumkanjey kanj harandi Waafakaa woo ra ma goro.

- Hinoo borey kanj ga huuga nd'alhukumoo goroyanoo, nd'a ga hima, Waynahunay kominey, nga sarkiley nda ng'areežonjey ra, hinoo talfiyanoo waatoo ra, ne nda handu hinza nd'a gay, sinatiroo banda ga. Ngi zaayanoo, ngi goy waanaa nda fondawey kanj bande i ga goy ga haw ka kayandi waafakay ra, Yanjekasiney nda cere game ;
- Ašariyananoo, wote ašariyawey nd'ašariya fondawey goyoo teeyanoo nda cahāyan hala Waafakaa misey ma hin ka huru fondaa ra ;
- Gofornamanoo ga dabari kul tee ka kate Depitewey Batu Beeroo ma wote ašariya taago sanbu, i ma yadd'a ga, handu 12 ra ;
- Wotewey ga tee areežonjey nda koyrawey ra, alhukumkanjey kanj g'i goo se, Waafakaa woo fondawey bande, hinoo talfiyanoo waatoo ra, taka kanj nd'a harandi adadu kanj si bisa, nd'a boobo, handu 18 ga.

TONTONI 2: Gandaa hallasiyanoo nda nga hawgayyanoo

I. Gandaa hawgayyanoo dabarey waatoo kanj talfandi ra

Waafakaa woo fondaa ra, kanje cire komišonoo kanj ga huuga nda gandaa Hallasiyanoo nda nga Hawgayyanoo Korošiyān Komitaa juwalyanoo cire, Hallasiyan Komišonj Teknik (CTS) foo tee kanj ga Hallasiyan Komišonj Teknik (CTMS) mayray goyey sanbu kanj bangandi Wagadugu Waafakaa ra, a yulwandi Alžer ra, 2014, Sektanbur jirbi 16 ra:

- Borey kanj ga tuuru Gofornamanj nda *Kordinaašonjoo* nda *Palatiformoo* maawoo ga huruyanoo CTS ra, Laasabuyan nda Korošiyān Kurey (EMOVs) kanj yulwandi hala areežonjey anteney ga**
 - CTMS yulwantaa ga cindi ka nga goyey tee hala CTS ma goro cimoo;
 - Mali soojey boro iddu goo CTS ra; *Kordinaašonjoo* boro hinza nda *Palatiformoo* boro hinza. **MINUSMA** boro hinka ga bar'a ra (kanj CTS persidanjoo goo i ra) nda boro foo Musulha ceeciyan kuraa borey affoo kul se, nda gandawey nda cere game soojey kanj goo no.

- CTS goyoo ti, cerecereyan ra:
 - ka malfawey dangandi wangu-izey nda cere game;
 - ka anket tee borey ga kanj ga malfawey dangandiyanoo waafakaa tunandi;
 - ka dabarey taagandi hallasiyan fondaa ra, k'i koroši;
 - ka wangu-izey dogey kanj i n'i kayandi i se bay, ka yadd'i ga, nda
 - ka fondaa kanj bande wangu-ize zeeney huruyanoo ga tee goyoo faaba.
- b. Kordinašonjoo Goyoo Misey (MOC) gorandiyanoo nda sijjalyaney kanj ga tee**
 - Jirbi 60 Waafakaa sijneyanoo banda ga, ašariya zaandi CTS wakilitaraa kanboo cire kanj ga Kordinašonjoo Goyoo Misey (MOC) nda sijjalyanoo kayandi;
 - CTS ga Kordinašonjoo Goyoo Misey (MOC) kanje fesu-fesantey noo, kanj ra nga kanandoo nda nga goyey goo. Fondo kanjey ga sooje, gandaa hallasikey nda *Kordinašonjoo* nda *Palatiformoo* borey hinnaa kayandi ganda-izey kul sawayanoo nda waafakay ra, MOC ra;
 - Sooje wakil beeri kanj kanje cire borey ti *Kordinašonjoo* boro foo nda *Palatiformoo* boro foo no ma misoo woo goyoo dirandi;
 - MOC ga goy cettekasinay ra nda gandawey nda cere game sooje kanj goo ne;
 - MOC goyoo ti, ka siljalkey kanj ra Mali soojeyanj nda *Kordinašonjoo* nda *Palatiformoo* boroyanj goo goyoo soolu, k'a kur. Nda mo, nd'a ga hima, ka MINUSMA nda gandawey nda cere sooje kanj goo ne faabaa soolu (fondawey nda siljayan waatey bayrandiyanoo kanj MOC no m'a tee). Siljalyan jinaa ga hima ka tee, nd'a gay jirbi 60^{ntoo} kanj ga kaa Waafakaa sijnatiroo banda ga;
 - MOC goyoo ti mo, ka wangu-izey goyey nda ngi dira-ka-koy-ka-kaayaney soolu, k'i hangandi cere, ngi gorandiyanoo waatoo kul ra;
 - Jirbi 60 (woyduwaa), Waafakaa sijnatiroo banda ga, CTS nda MOC ga hallasi fondo palanj tee Mali Waynahunay areežonjey se, kanj ra kanbey kul siljalkey goo nda kaydoo beeri wangu-izey gorandiyanoo/margayanoo nda ngi tanyanoo, hallasiyan fondo ra. Palanjoo din taasihayaa ti ka halaasi janj hangu, k'a nakkasi, wangu-izey gorandiyanoo nda ngi huruyanoo nda DDR misey se jine, nga waatoo ra nda nga banda ga.
- c. Gorandiyan doo foo (kantonamanyan)**

- Jirbi 30 Waafakaa sijatiroo banda ga, CTS ga wangu-izey goro dogey, ngi margayan dogey nda ngi tanyanoo bayyanoo nda ngi tabatandiyanoo benandi. MINUSMA ga sintin ka wangu-izey goro dogey din cin kan ga hima ka goyandi ka ben ne nda jirbi 120 adadu ga, i ma noond'i se takaa kan nd'i ga cina ka ben bande.
- Jirbi 30 Waafakaa sijatiroo banda ga, CTS ga 2014 fewiriye jirbi 18 goyoo misey taagandi wangu-izey gorandiyanoo se taka kan nd'a harandi Waafakaa woo ra, a ga hanoo kayandi kan ra kantonamanoo ga sintin.
- Jirbi 30 Waafakaa sijatiroo banda ga, mugumaney ga ngi wangu-izey maawey nda ngi wangu jinawey kaddasu koraw alhakiikantaa cebe, taka kan nd'a harandi 2014 fewiriye jirbi 18 goyoo misey kan taagandi ra.

II. Wangu-ize zeeney huruyanoo

Jirbi 60 waafakaa sijatiroo banda ga, Huruyan Komišonj foo ga ti goro

- Huruyan Komišonjoo, kan ra soojey, *Kordinašonjoo* nda *Palatiformoo* borey kan ga tuuru maawey ga goo, ga goy cettekasinay ra nda Waafakaa woo Korošijan Komitaa;
- Dekere foo ga nga Huruyan Komišonjoo kanandoo, nga goyey, nda nga dirandiyanoo har, Gandaa Persidanoo juwalyanoo cire, kan ga boro kan goo nda waanay, i Waafaku a ga suuba, a ma nga jineborotaraa zaa;
- Jirbi 90 Waafakaa sijatiroo banda ga, Huruyan Komišonjoo nda Gandaa Konsayoo RSS se, ga goy nda cere ga zimam kanjey, nda adadey, nda fondawey kan bande wangu-ize zeeney ga huru Hinoo goy kanbey ra, kan ra soojetaray kanbey kul goo nda jalawey hangandiyanoo cere bande;
- Woo bande, mugumaney ga ngi wangu-izey kan ga baa ngi ma huru hinoo goyey ra maawey kaddasoo noo, Gofornaman ga misey kan ga hima tee ngi huruyanoo fondaa ra, alwaati ra kan si bisa handu iddu, Waafakaa sijatiroo banda ga, Huruyan Komišonjoo nda Gandaa Konsayoo juwalyanoo cire RSS se;
- Huruyan Komišonjoo nda Gandaa Konsayoo RSS se, ga goy nda cere ka fondoyan cebe jalawey nooyanoo nda kilaasi taago duuyanoo ra. Wangu-ize zeeney kan cindi ka ti "ofisiye" larme Mali ra ga huru, nd'a kacca ngi jala (garad) zeeney ga. Wey kan sii woo kan harandi ra, nda wey kan mana baa ngi ma huru ga hin ka duu anteretu

pansiyon, pansiyon kan ga sawa nd'a wala malalyan pansiyon wala binde mise doono tana foo kul, borey takaa bande.

III. Wangu jinawey Taayanoo, wangu-izey Tanyanoo, nda ngi Huruyanoo (DDR)

Jirbi 60 Waafakaa sinatiroo banda ga, Gandaa Konsay foo ga ti gorandi DDR se.

- DDR Gandaa Konsayoo woo nda Waafakaa woo Korošiyān Komitaa ga goy cettekasinay ra;
- Dekere foo ga DDR Gandaa Konsayoo kanandoo, nga goyey, nda nga dirandiyān har, Gandaa persidaṇoo juwalyān cire, kan ga boro kan goo nda waanay, i waafaku a ga suuba, a ma nga jineborotaraa zaa;
- DDR Gandaa Konsayoo goo nda politiki kanje beeri, kanje cire goy komiṣonṇan kan ga goy nda cere cettekasinay ra, nda antenyan kan ga goy areežonṇey ra.
- A goo kanje cire goy komiṣonṇey ra, eksperyan nda larme soojeyan nda *Kordinašonoo* nda *Palatiformoo boroyan* nda mo ministerey kan goyoo no, nda kabiilawey waakiley.
- Jirbi 120 waafakaa sinatiroo banda ga, DDR Gandaa Konsayoo nda Waafakaa woo Korošiyān Komitaa cettekasināa ra, ga DDR Gandaa porogaramoo foo tee kan ra kanbe hinkaa borey kul goo, a ma hanga cere, borey kul ma yadd'a ga, borey yantasey ma bar'a ra ngi muraadey se.
- DDR Gandaa Konsayoo ga duu MINUSMA nda cettekasinaykaw tanayan faabaa goyoo ra.
- Cettekasinay faabayān ra, Gofornamaṇoo ga DDR Gandaa Konsayoo nda areežonṇey anteney almušakkaa zaa.
- DDR porogaramoo ga huru goy nda Mali Hino goykanbey kul nda cettekasinēkey faabaa kan waazibi.

IV. Larme soojey nda gandaa hallasikey sayyanoo Mali laboo ga

Jirbi 60 waafakaa sinatiroo banda ga, CTS kanboo cire, MOC ga palan nda kalandiriye fesufesante noo kanje cire komiṣonoo kan ga huuga nda Gandaa Hawgayyanoo nda nga Hallasiyanoo se, ka larme soojey kan marga Mali Waynahunay areežonṇey ra say laboo ga.

- Sayyan palanoo woo nda sayyan kalandiriyāa woo ga hanga hallasi fondowey dirandiyān bande Mali Waynahunay areežonṇey ra, i ga hima ka hallasi janāa nda nga yantasoo gandaa ra baadam.

- Soojey kanj margandi, i n'i say laboo ga kul ga duu wangu jinay, Mali Hinoo ga ngi almušakkaa zaa.
- Larme soojey kanj margandi sayyanoo ga borey jejebuyanoo baadam gandaa hallasiyanoo ra, laboo laamaa ma cindi nga taka zeenaa ga, nga hirrey hawgayyanoo nda muzulteekey tangamyanoo ra.

V. Gandaa Hawgayyanoo nda nga Hallasiyanoo Sekeroo barmayyanoo

a. Jirbi 60 Waafakaa sijatiroo banda ga, dekerewoo kanj na RSS Konsay

Našonaloo gorandi ga barmay taagoo hala mugumaney kanj na waafakaa sijne nda kabiila dumey borey kaydogoo ma tonton, i ma waafaku barmayyaney nda palanjo kanj g'a dirandi ga.

- Jirbi 90 Waafakaa sijatiroo banda ga, CN-RSS ga kate i ma gandaa Hawgayyanoo nda nga Hallasiyanoo dabaroo zimam fesu-fesantaa tee, nda cettekasidekey faabaa kanj ra i na borey hãa nda ngi alkuuniyawey hala sekteroo barmay cerecerantaa kanjey ma bayrandi.
- CN-RSS ga, woo din banda ga borey kanj ga huuga nda hallasiyan sekteroo allamaanawey nda ngi goyey maana, a ma gandaa zuwey waani-waaniyanoo baadam (galley, koyrawey, saajoo, nongu kogey, fondo gaarey, waazibi bisadogey, nda gandawey nda cere game hirrey), taasihayey kanj i g'i ceeci bande (borey jejebuyanoo, žistis, kasu huruyan nda ciiti zukandiyan, aduŋŋaa albalaawey tangamyanoo, tooneyan goyey, kobay duuyan margayan, anketey, laboo hawgayyanoo, gandaa hirrey juwalyanoo, alhabar teeyan, hallasiyan laama kanjey juwalyanoo, ngi korošijan nda hkh.).
- CN-RSS ga gaabandi ka soojey koroši, ka hanse k'i lakkal gandaa nda koyrawey ra, a ma ašariyawey beerandiyanoo nda ngi ganayanoo tanj jine.

b. Poloositaray (alkaatitaray) gorandiyanoo gandaa hallasiyanoo se

- Handu 12 Waafakaa sijatiroo banda ga, ašariya ga zaandi kanj ga poloositaray taagaa goyey kayandi. A ga cebe mo haya kanj goo gandaa poloositaray goyoo nda hallasi goydoo tanawey game sanda poloositaray huruyan, nga kanandoo, nga fondawey, nga cawyanoo, nda dobuyanoo kanj goo nga jinehuney nda cere game, komandiyan nda korošijan fondawey ra.

c. Hallasiyan Komitey kan yaamaryan noo koyrawey ra gorandiyanoo (CCLS)

- Handu 60 Waafakaa sijatiroo banda ga, dekere ga hallasi Komiteyan kan ga yaamaryan noo koyrawey ra (CCLS) gorandi, cerecereyan ra areežonɛy ra nda kominey ra (woo din banda ga CCLS foo areežonɛy foo kul ra kan tuujidogoo ga ti areežonɛy hubeeraa, nda CCLS foo komin foo kul ra).
- CCLSey ga borey kan ga huuga nda hallasiyanoo nda žistisoo koyrawey ra zaa, kan ra poloositaray taagaa borey goo, kabiilawey borey, alaada nd'addin hinikoyney, sosisiyetesiwil borey kan ra woyey nda soogey kondawey goo. CCLSey ga ngi alkuuniyawey nda ngi yaamarey noo koyrawey jinehuney, nda borey kan goo hallasiyan fondaa ra se, se i m'i goyandi, i ma kate borey ma duu alhabar, i ma duu fahami nda ka doo henno tee borey huzuney se.
- CCLSey ga cere marga, nd'a kacca cee foo handu ra, ka hallasiyan misoo zimam, nda ka yaamar tanayan tee.

TONTONI 3: Duure, borey nd'alaadawey jinekoyyanoo goyey nda porožewey kan ga hima ka tee Mali Waynahunay areežonɛy ra, waati dunbo, i sasawante nda nd'ikuku ra

I. Dabarey kan zaandi waatoo kan talfandi ra

Taka kan nda a goo Waafakaa kan tee waatoo kan talfandi ra, ng'ašariya bonɛ VI^{ntoo} ra, goyey nda porožewey wey kan kanbu hinkaa borey n'i bayrandi ga hima ga tee nda cahāyan, ngi teeyanoo ma hanga takaa bande kan nda borey kan dii hallasiyan janjaa torraa, Mali Waynahunay areežonɛy ra, n'a ka tilasu nda cere:

1. Cawandiyanoo nda goy waanay cawyan

- Ka 2014-2015 lokkol huruyanoo soolu Gaawo, Tunbutu nda Kidal areežonɛy kul ra.
- Ka cawhugey kul kan goo areežonɛy ra korošiyanoo taagandi.
- Ka lokkol kantiney feeri cawhugu 314 ra za kilaasey ma feera, i ma ŋaahayey nda goyjinawey kan ga hima dam i ra.
- Ka cawhugey feerayanoo gaabandi nda:
 - Cawhugey kan hasara taagandiyanoo;
 - Cawandi goyjinay duuyan (kan ra hooray jinay goo) nda lokkol “kityan”; nda

- Cawandikey kul williyanoo nda cahãyan Gaawo, Tunbutu nda Kidal areežonɛy ra kanj cindi Mali areežonɛy tanawey ra nda mise kanj g'i ka yadda ka koy.
- Ka lokkol-izey kanj duu DEF sanba Tunbutu nda Gaawo akademiyeɛy ra;
- Ka “kontaraktiyel” cawandikawyan sanbu porożewoo dimmaa waatoo ra;
- Ka nonguyan kanj ra Goy Dendenyan ga tee Waati dunbo ra cin, ka jinay dam i ra (EAT);
- Ka lokkol-izey kanj duu BAC maawey hantum iniwersitewey ra, ka ngi almušakkaa sanbu;
- Ka koyrawey borey noo fahami, k'i kate i ma zankey willi kate, i m'i dii lokkol, waani-waani woy-izey nongey kanj alfitinaa tee ra;
- Ka alfaritaray nd'adabba biiriyen goy denden cawhugu cin, ka jinay dam a ra, Kidal nda Tunbutu ra;
- Ka goy denden cawhugoo alfaritaray koyjineyanoo Sahel ra kanj goo Gaawo taagandi.

2. Gaahambaani:

- Ka cawyan gaahambaani ga sahandi (CSComey ra, CSRefey ra nda areežonɛy obitaley ra) nda:
 - Gaahambaani goyoo jinawey nda goyjinawey nda safarey duuyanoo safaryanoo se ngi adadoo bande,
 - Gaahambaani cawhugey kanj ra goy si tee, Gaawo (3), Tunbutu (3) nda Kidal (5) ra, taagandiyanoo nda ngi goyjinay duuyanoo.
- Ka goykey kanj ga huuga nda borey gaahambaanoo, kanj dira, williyanoo soolu, miseyan kanj nd'i ga yadda (sanda banaw tontoni, faaba kanj nd'i g'i bisimilla, ...) nda hallasiyan;
- Ka “kontaraktiyel” lotokoryan zaa, k'i dam lotokorhugey ra, ka duu ka safaryan goyey tee, ka kate gaahambaanoo sayyanoo ma tonton porożewoo waatoo din ra;
- Ka safaryan zaariyan soolu (bine,moo nda wopereyan se) areežonɛy obitaley ra kanj gandaa lotokor beerey m'i tee;
- Ka mise tee kanj ra borey duuraa ma hin k'i too lotokor hugey, ka talkey nda borey kanj willi ka kaa ngi laboo ga almušakkaa sanbu;

- Ka dabari goy henney tonton safaryan fondaa ra, wirci jine nda nga waatoo ra kan lotokorey kan ga dira ka safaray no m'i tee;
- Ka nonguyan kayandi wirci lawreya se kan r'i ga zankey kan hunaa hanse ka gaza almušakkaa zaa;
- Ka hawgay nda wircey kan ga yahaaza areežon hinzaa ra, ka mise gorandi kan g'i koray;
- Ka lotokor hugu hinza manante cinaroo sintin, borey faabaa se, ka goyjinay dam i ra, Kidal, Gaawo nda Tunbutu ra.

3. Haroo fondaa here

- Haridogey taagandiyanoo (ponpi dayey, adabba hanandi dayey);
- Ponpi day foo teeyan Kidal ra;
- Ponpi day foo teeyan Gaawo ra;
- Siter-day foo teeyan Tunbutu ra.

4. Koyraa duuraa tunadiyan taagaa here

Ka faabayan noo hala alfaritaray nda adabba duuraa ma tun koyne fondawey wey bande:

- Hugu nda kabiila alfaritaray goyey tunandiyan taagaa;
- Alfaritaray angirewey nooyanoo;
- Adabba cufuyan nda nga safaryanoo kanpapey sooluyanoo;
- Aruggawey motoponpey hanseyanoo;
- Goyey kayandiyanoo kan ra woyborey nda soogey ga duu duure, fanney wey ra kan ti alafaritaray, adabbabiiriyen, maamalayan, hamiisa hooyan nda assanagoy.

Dirandi fondawey:

- Gofornaman g'allaahidu zaa ka goyey nda porožewey kan harandi beene tee, henenyan ra, dii cereyan banda ga, nga nda nga cettekasiyey kan goo Alže waafakaa dirandoo ra kan ra kabilawey kan g'i goo ga bara;
- Gofornaman g'allaahidu zaa ka duu noorey nda borey kan ga hin ka goyey nda porožewey wey tee, kan ra nga cettekasiyey faabaa ga hin ka bara, goy nda nooru fondo ra;
- Korošiyen Komitaa Kanje cire komišonoo kan ga huuga nda "Borey duuraa nda ngi alaada wey jinekoyyanoo fanney" goyoo ti, ka goyey nda porožewey wey korošiyenoo

nda ngi zimamyanoo, waati ka kaa waati ra gongandi. Komišonoo kanj ra
Yenjekasiney kul ga sawa kanandoo ti, boro foo-foo kanbu hinkaa affoo kul se nda
musulha ceecikey borey se. a ga hin ka ciya boro kul kanj a ga tammahā a ga hin ka
nga faaba nga goyoo ra. A ga nga zimamyan margawey tee, waati kul kanj a ga
boon'a, musulha ceecikey yaamaroo ra;

- A ga wiri aduɲnaa gandawey ga i ma hanse ka bara goyey wey nda porožewey wey faabaa ra kanj harandi tontonoo woo ra;
- Gofornamanj g'allaahidu zaa, hawgayyan cerecerante ra, ka boro yalafantey jejebu, ka ngi sorhowey yeet'i ga, ka koy nd'ey jine, waani-waani zankey kanj ti hugu-jine-bonj, allatiimey, zankey kanj lakkaley wiisi-waasa, woyey kanj kurney buu, woyey kanj ti hugu-jine-bonj, soogo ize-futey, gaaham nda lakkal malalkoyney, nda hkh.
- Goyey nda porožewey wey dirandiyanoo ga tee, taka kul kanj nd'i ga hin ka tee ra, fondo bande ka nga sogayyan gaabante dam adama-izetaray sohō da yantasey nda duure, tontoni duumante, talkataray nakkasiyan nda Jiiri Zenberoo Taasihayey nda cere game, koyjinayan fondaa ra;
- Yenjekasiney ga ngi bonj dii ka goy kul tee wala ka duu anniya kul kanj ga hin ka goyey wey wala porožewey wey teeyanoo hasara wala k'a ganji;
- Yenjekasiney g'allaahidu zaa ka doonay tee Hinoo goykey, borey kanj ga goyey tee nd'adama-izetaray faabakey huruyanoo nda ngi hallasiyanoo se.

II. Dabarey kanj zaandi waati dunbu nda waati kuku ra

Jinekoyyan Dabari Cerecerantaa kanj sinbandi ašariya bonj IV^{ntoo} ra, kanj ga šelen waynahunay areežonjey borey, duuraa nda ngi alaadawey jinekoyyanoo ga, jiiri boobo palanj cereceranteyanj ga tee, Waynahunay areežonjey se, goyey wey nda porožewey wey goo i ra:

Koyrawey jinekoyyanoo, hunay tabatandiyan nda windilaa hallasiyanoo kanboo here, woo kanj ga kaa ne ma tee:

- Faabaa kanj ga tee alfarey se dumi ra, angire ra nda jinay tanayanj;
- Faabaa kanj ga tee sarwis teknikey se azayra nd'abba dumi-izey taagandiyanoo ra;
- Wuterner hugey, areežonjey nda koyrawey ra, taagandiyanoo adabbawey gaahambaanoo sahandiyanoo se;
- Areežonj foo kul adabbaa gaahambaanoo tontonyanoo;

- Sarwisey ma duu jinay, zurandi haya nda goyjinay nda faaba goykey ma willi se;
- Bangu kaccu teeyan hamiisa biiriyen se, hamiisa kali doyanter nda hamiisa biiriyen bangey ra tan jineyanoo;
- Hunay nooyan borey kan ga hanse ka yalaafu se kan goo hunay gazante miser a;
- Dabari hennaa sahandiyanoo hunay duumante tontonyanoo fondaa ra;
- Ka misey sahandi kan ga cahã ka hunay janay bayrandi, ka duu ka jine tee i se;
- Gandaa hunaa Jisiroo nda kominey taasu jisirey zaka (hinaa) tontonyanoo;
- Ka koy nda hunayhaya gandaa borey kan ga hanse ka yalaafu se;
- Taasey koy ka kaayanoo nda faala sahandiyanoo, nongey kan duuraa ga nakkasi borey nda nongey kan duuraa ga boobo borey nda cere game;
- Faabaa kan ga tee koyraa adabbaa tontonyanoo nda nga maamalayanoo fondaa ra;
- Niižer isa beeroo, ng'isakanbey, ng'isabangey, bangey nda nga goorey fijiyanoo tangamyano;
- Tuuri dumayan isa jebey bande k'i hallasi, nda tuuri faari dumeyan ka tuuri borey yantasey se, hina tuuri nda bundu kan nd'i ga goy se;
- Ganji adabba nda nga huna dogoo jejebuyanoo, hala borey ma kaa ka windilaa nda ng'adabbaa lawre;
- Doowaa tangamyano;
- Faaba, ceeciyan kan ga tee alfaritaray nd'adabba biiriyen ga;

Koyrawey duuraa tunandi taagaa porogamey kanboo here, woo kan ga kaa ne ma tee:

- Soogey nda woyborey nda ngi tee-bonj-se kondawey duuraayee kateyanoo;
- Goyey kan ti Duuremee tan jineyanoo, soogey nda woyborey se kan marga ka konday tee kan r'i ga nafa (konday wala nafaw margaw (duure wala koperatifi se));
- Faabaa, duuremee anterepiriz kaccey feereyanoo koyraa ra hala koyraa duuraa ma huna, a ma goymee feeri;
- Soogey nda woyborey waanawey sahandiyanoo koyrawey duuraa yantasu cimey bande nda ngi kaydogoo goyoo ra;
- Faabaa kan ga tee koperatifey nda anterepirizey kan ga hin ka goymee noo, faaba kan ga tee nooru here wala kan si tee nooru here, kan ngi nda ngi yantasey ga koy cere bande;

- Cawyan nda faaba juwalyan fondaa ra, kaŋ ga jin ka sinba antereperenerey kaŋ ga goy ngi boŋ se nda duuremee sintinke;
- Assanagoykey sooluyan boryaa;
- Assanagoy koyraŋ feereyanoo Waynahunay areežonɛy ra;
- Garaw nda duure fondo duuyan;
- Day ka bar yoobuyan ma feera hala gandawey kaŋ ga taalamme borey ma koy ka yee cere do ;
- Porogaramyan ma tee kaŋ ga antereperenertaray goy faaba, soogey kaŋ goo nda dipolom nda woyborey se, nda soogey kaŋ taŋa ka hun lokkol nda wey kaŋ mana bay ka huru lokkol cawandiyanoo nda ngi huruyanoo borey ra se;
- Assanagoykey nda assanagoy anterepirizey duuraa nda ngi konkoššaa ma tonton goy denden cawoo kanboo bande;
- Duure goymiyey gorandiyanoo;
- Angirewey nd'alfaritaray goyjinawey duuyanoo nda ngi maamala dogey gorandiyanoo;
- Duura goyey kaŋ ngi nda alaada sekteroo ga lafa cere ga taŋ jineyanoo sanda lawreyan kaŋ ga koy alaada hayey ga, hoorawey nda hayey kaŋ ga hun hoorawey nd'alaadawey ra;
- Nooru garawdoo kaccey yulwandiyanoo;
- Iziney kaŋ ga dawoo cire duuraa fanši taŋ jineyanoo (ceeciyan, lawreyan nda kaa tarayyan) waynahunay areežonɛy ra;

Fondo beerey yulwandiyanoo kanboo here, woo kaŋ ga kaa ne ma tee:

- Fondo beerey teeyanoo:
 - Ka Kidal, Gaawoo nda Tunbutu dobu Sahara fondo beeroo ga;
 - Gaawo – Buram. Tawsa fondaa;
 - Buram – Kidal fondaa;
 - Kidal – Timiyawin fondaa (Alžeri hirroo here);
 - Anafis - Tesalit – Borž Baži Moktar fondaa;
 - Kidal – Minika fondaa;
 - Ansoŋo – Minika – Anderanbukan – Niižer hirroo fondaa;

- Gomo Kura – Tunbutu fondaa;
 - Duwanza – Tunbutu fondaa;
 - Duwanza – Gaawo fondaa (a ma taagandi) ;
 - Gosi – Ntagaarasu fondaa;
 - Boore – Koriyanze – Aka fondo kaccaa;
 - Muuniya – Jafarabe – Ja – Tenanku – Yuwaru fondo kaccaa;
 - Indeeliman – Niižer hirroo fondo kaccaa;
 - Ansoŋo – Teesit – Burkina faso hirroo fondo kaccaa;
 - Leere – Fasala fondaa.
- Kidal, Tesalit, Tawdeeni, Minika nda Gundam beeneehii zunbudoŋey teeyanoo; Gaawo wanoo ma taagandi;
 - Waynaw kuuraŋ hugu nda gaazuwal wane ma cinandi Tunbutu, Gundam, Diiray, Nafunke, Gaawo, Minika, Kidal, Tesalit, Ntagaarasu, Ansoŋo, Tinasako, Abaybara, Buram, Duwanza, Tenanku, Yuwaru nda Leere ra.
 - Ka waynahunay areežonj hinzaa dobu Sahara Gaazu karfoo ga.
 - Banba, Diiray nda Yuwaru dulluhii fandidoŋey cinayanoo.

Sarwis jinawey borey se tontonyanoo, kanboo here, woo kaŋ ga kaa ne ma tee:

- Goyey kaŋ ga lotokorhugey kaŋ hasara taagandi nda CSCOM taagey cinayanoo nda ngi goyjinay duuyanoo gongandi;
- Obital cinayan Kidal areežonjoo nda Minika ra;
- Porogamey kaŋ ga bursu noo, cettekasinay ra, duuyanoo sahandiyanoo cawkey se kaŋ ga hun Waynahunay areežonjey ra;
- Safaryan sahandiyanoo borey kaŋ ga gana ka zunbu se, kaŋ lotokorey kaŋ ga dira gandaa bande wircey kul se no m'a tee, ka wircey koray, nda k'i safar;
- Dabari taagey dirandiyanoo lotokor dogey ra nda safaryan cerecerantey dabaroo koyraa ra;
- Lokkol hugu taagoyaŋ cinayanoo Tunbutu, Gaawo nda Kidal areežonjey ra lokkol hugu cinayan kartaa bande;
- Faabaa, lokkol kantiney feeriyanoos se;
- Lokkol hugey ma duu cawandikaw henno nda hinna kaŋ ga wasa;

- Lokkol-izey ma duu jinay nda cawtiira, cawandikey mo ma duu cawandi jinay;
- Alhabar nooyan beeri porogaram sintinoo, ka zankey dii lokkol, waani-waani zankawoyey;
- Iniwersite kanjeyan yulwandiyanoo waynahunay areežonjey ra, nda fakilteyan feeriyanoo, areežonjey kan harandi affoo kul kanandoo bande;
- Cawhugu doo beeri cinayan, waynahunay areežonjey ra, ka duu ka Cawandi Kanandi Beeroo yulwandi nda cahāyan;
- Goy denden cawhugey nda goymee sarwisey kan goo areežonjey ra, sanda Kidal, Gaawo nda Tunbutu, taagandiyanoo;
- Liise teknik kan Hinoo wane feerayanoo areežonjey foo kul ra;
- Goymee denden cawdoo cinayanoo waynahunay areežonjey sarkil foo kul ra;
- Hari henenante nooyanoo boro yalafantey se;
- Ponpi hari nooyan sahandiyanoo Gaawo koyraa ra;
- Ponpi hari nooyan sahandiyanoo Tunbutu koyraa ra;
- Kanal fansiyan ka hun In Eseri – In Tebzaz – Kidal;

Alaadaa, kanboo here, woo kan ga kaa ne ma tee:

- Alaada sarwisey, areežonjey nda sarkiley ra, nda mo Tunbutu, Gaawoo nda Es suk alaada mišonjey taagandiyanoo nda ngi faabayanoo;
- Goyey kan ga tee ceeci kanje booboyan ga, alaada hayey ga, baabahuu almanoo ga, alaada hayey bangandiyanoo ga tanj jineyanoo;
- Borey ma šelenj nda cere, ka ngi alaada wey sahandi, k'alaada hoorawey hunandi, waynahunay areežonjey ra, alaada hoorawey waate, jirbiyye hoorawey ra, jiiri hinka hoorawey nda ng'i alaada wey waate nda “festiwaley” waate.